

ժողով է ոչ այնքան ազնվամտան չեանկեղծ, որքան բառի բարբառային ևնի ազդեցությամբ։ Բառի միջոց անկ է գրա. «Բառ սամական. գոգ. լիւս. Թմբուկ մեծ, կամ միակողմանեմ. Անկեն- թն է, որ զոգ անկն կարող էր ծագել զուգ և՛ հակառակը. Այստեղ խոսքը Թմբուկի՝ զափի մա- սին է, որը նվագելով պարել է Հերթիզիացան։

Դեկի բառը միշտ բացատրված է՝ դանկ-դանկ, պրամ, ընթանելի չէ, սակայն, սգուցել և դեկել-դանկելը զուգահեռ։

Այս և նման վրդույթները ոչ միայն չեն նստեցնում Ա. Մեսացիականի սովորածույթը ուսումնասիրության գիտական բարձր արժեքը, այլև ինչ-որ շափով, նույնիսկ տեխնոստիկի ան. Գրքը նոր է մեայունե ազնվող է հայ բանասիրության մեջ։

ԱՐԵՎԱԹԵՍ ՂԱԶԻՅԱՆ

Բանասիրական գիտությունների բեկնածու

Հ. Կ. ՄԱՐԳԱՐՅԱՆ, Հյուսիսային Հայաստանի և Վրաստանի ժԲ զուրի պատմության մի Բանի հարցեր, Հայկական ՍՍՀ ԳԱ հրատարակչություն, Երևան, 1980, 255 էջ։

IX—XIII դդ. Հայաստանի և Վրաստանի սոցիալ-տնտեսական և բաղադրական պատմու- թյան սպառիչ ուսումնասիրությունն անհնարին է, առանց այդ շրջանի հայ-վրացական բազ- մարտից՝ առևտրությունների հաշվառման և համակողմանի ուսումնասիրության։ Դա մի ժա- մանակաշրջան էր. երբ, քաղ գիտակցելով, որ օտար նվաճողների դեմ պայքարի հաղթողության երաշխիքը եղբայրական դաշինքն է, դրացի երկու ժողովուրդները սկզբում հայ Բագրատունի- ների, ապա իրենց վերջիններին ժառանգորդը համարող վրաց Բագրատունիների գլխավորու- թյամբ թոթափեցին արաբական և ապա թուրք սելջուկյան լուծը (Հարավային Հայաստանն այդպես էլ մնաց սելջուկների տիրապետության տակ)։ Հերոսական մաքառումներով լի այդ ժամանակաշրջանում հարևան երկու ժողովուրդների միջևադարձ կապերն առավել սերտ ու բազմաբնույթ դարձան։ Ընդ օրինաչափ է, որ կովկասագիտություն իր արշալույսից սկսած խնդրո առարկա ժամանակաշրջանի տարբեր փուլերի հայ-վրացական հարաբերությունները քննությանը մեծ տեղ է հատկացնում՝ տարեցտարի հարստանալով դրանց այս կամ այն բնա- զավառին նվիրված հետազոտություններով։ Այդ ուսումնասիրություններից է նաև զբախտվող մենագրությունը, որը նվիրված է նշված ժամանակաշրջանի կարևոր փուլերից մեկին՝ XII դ. 20—70-ական թվականների հայոց և վրաց պատմության այն հարցերին, որոնց սերտ կապ- վածությունը թեկզգորում է դրանց համատեղ քննության անհրաժեշտությունը։

Հեղինակին, ամբողջությամբ վերցրած, հաջողվել է հասնել իր առջև դրված խնդիրների կատարմանը, և նա բազմաթիվ ու տարարևույթ աղբյուրների համադիր ուսումնասիրության և խնդրո առարկա հարցերին առնչվող զրականության օգտագործման ճանապարհով ընթեր- ցողի դատին է հասնել մի շահեկան աշխատություն։

Գրախոսվող աշխատությունը բաղկացած է խիստ հակիրճ (մոտ 3 էջ) առաջարանից (որին, թերևս, կպատշաճեր «երկու խոսք» խորագիրը), աղբյուրների և զրականության ավելի քան ընդարձակ տեսությունից, երեք գլխից և սեղմ (մոտ 2 էջ) վերջաբանից։ Այն նաև օժտված է ուսման և մեթոդական և ամեն մի գիտական հրատարակությանն այնքան անհրաժեշտ օգ- տագործված աղբյուրների և զրականության, անձնանունների ու տեղանունների ցանկերով։ Հանկայի կլիներ, թեք գիրքն ունենար նաև համապատասխան քարտեզ։

Հանգամանորեն վերլուծելով ու արժեքավորելով իր օգտագործած աղբյուրներն ու զրակա- նությունը և, մասնավորապես, իրավագիտուն շեշտելով հայ ժողովրդի պատմության ուսումնա- սիրության գործում «Փարթիս ցխովրեբայի» մեծ կարևորությունը, նրանից է. Մելիքսեթ-Բեկի կատարած հատմանը թարգմանություններն ըստ ամենայնի գնահատելով հանդերձ, հեղի- նակը միանգամայն հիշտ ու ժամանակին նկատում է, որ «արդեն զգացվում է Փարթիս ցխովրեբայի» լրիվ հայերեն թարգմանության անհրաժեշտությունը՝ վրացագիտության վեր- ջին նվաճումները և նորագույն ուսումնասիրությունները հաշվի առնելով» (էջ 30)։ Օգտագոր- ծած զրականության տեսությունից Հ. Մարգարյանը եզրահանգել է, որ «շնայած այսօր հրա-

պարակի վրա եղած բազմաթիվ ուսումնասիրություններին, ժԲ դարի 20—70-ական թվականներին համեմատաբար սակավ ուսումնասիրված ժամանակահատվածը ղեկն կարիք է զգում մենագրական հետազոտության...» (էջ 44)։ Մենք կասեինք մենագրական հետազոտությունների, նաեւ պես այդ շրջանի Հայաստանի և Վրաստանի սոցիալ-տնտեսական հարաբերությունների և հայ-վրացական հոգեւոր ու մշակութային փոխանցությունների ավելի խոր ու բազմակողմանի ուսումնասիրության առումով։

Իրախոսվող աշխատության առաջին գլխում, որը վերնագրված է «Հյուսիսային Հայաստանը և Վրաստանը ժԲ դարի երկրորդ քառորդում», քննվում է երկու կարևոր հարց. քաղաքական կացությունը Հայաստանում և Վրաստանում XII դ. 20-ական թվականներին և Վրաստանի պայքարը թուրք սելջուկյան ամիրայությունների դեմ՝ դարի երկրորդ քառորդում։ Այստեղ հեղինակը վերլուծում է XI դ. վերջին—XII դ. սկզբին Վրաստանի վերամիավորման ուղղությամբ Դավիթ Շինարարի և Դեմետրե I-ի ձեռնարկած քայլերը, նրանց ներքին ու արտաքին քաղաքականությունը, չրջակա թուրք սելջուկյան ամիրայություններում տիրող վիճակը և շարադրում վրացական պետության ու վերջիններիս միջև ծայր առած համառ պայքարի՝ առաջին փուլի պատմության առավել կարևոր պրվագները։

Աղբյուրագիտական պատշաճ պատրաստվածությունը Հ. Մարգարյանին հնարավորություն է տվել սկզբնաղբյուրների մանրադնին քննության հանքի վրա նոր լույս սփռել խնդրո առարկայա կամ այն հարցի վրա, վիճարկել կամ ճշտել դրանց մի մասի շուրջ մասնագիտական գրականության մեջ եղած կարծիքները, կամ էլ զարգացնել որոշ տեսակետներ՝ գիտական զրահառության մեջ ղեկավար համապատասխան կովաններ։ Հատկապես շահեկան են նաև այն սրբագրումները, որ հեղինակը կատարել է այդ ժամանակաշրջանի մի քանի իրադարձությունների՝ ժամանակագրության ճշգրտման, ինչպես նաև դրանց որոշակի մասնակիցներին քննությունը պարզելու գործում։

Վերլուծելով XI դ. վերջին—XII դ. առաջին քառորդում Անդրկովկասում տիրող վիճակը, Հ. Մարգարյանը հանգել է այն ճիշտ դրույթին, որ Վրաստանը XII դ. երկրորդ քառորդին էր քնակոխում իրրև բարգավաճող մի պետություն, որը հաջողությամբ իր վրա էր վերցրել վրացի հայ ժողովուրդների հակասելջուկյան պայքարը համախմբողի ու գլխավորողի դերը։ Ցանկալի էր, սակայն, որ հեղինակն ըստ ամենայնի բացահայտեր այդ պայքարի ամենակարևոր աղբյուրը։ Դա թուրք սելջուկների պարտադրած՝ ցածր կացութանի վրա խառնված տնտեսական, քաղաքական և մշակութային խորթ ու հետամուտ ձևերից ձևավորվելու հայ և վրաց ժողովուրդների օրինաչափ Աղտոմն էր։ Հենց դրանով էր սլայմանավորված այն ակտիվ մասնակցությունը, որ ցուցաբերում էին հայ ժողովրդի բոլոր խավերը՝ վրաց Բագրատունիների հակասելջուկյան ձեռնարկումներում։

Աշխատության այս գլուխը անհամեմատ կշահեր, եթե հեղինակը չսահմանափակվեր Տալի-Նորադեմի հայկական կյուրիկյան Թագավորության նկատմամբ Դավիթ Շինարարի վարած ակտիվ քաղաքականության լուր թուցիկ արձանագրմամբ։ Կարծում ենք, որ այդ քաղաքականության մանրակրկիտ քննությունը և ըստ արժանվույն գնահատությունը պետք է լիներ աշխատության այս գլխի հիմնական խնդիրներից մեկը, անկախ գրքի վերնագրում արված սեփական հարցերի վերադասությունից։ Դա բացատրվում է նրանով, որ այդ հարցի ըստ ամենայնի և ակտիվանակալ լուսարանում (որը ցարդ չի կատարվել)՝ հակայական նշանակություն ունի թե՛ XII դ.—XIII դ. սկզբի հայ-վրացական հարաբերությունները, և թե՛ այդ ժամանակաշրջանի վրացական պետության պատմության որոշ խիստ կարևոր իրադարձություններ ճիշտ րեկալելու ու անհրաժեշտ գիտական խորությունը մեկնարանելու համար։

Իրախոսվող աշխատության երկրորդ գլխի համար թեմա է ծառայել հայոց քաղաքամայր Անիին տիրելու նպատակով XII դ. 20—70-ական թվականներին Վրաստանի և Հայաստանում բուն դրած թուրք սելջուկյան բազմաթիվ ամիրայությունների միջև մղված համառ պայքարի պատմությունը։ Ընդ որում, հեղինակը գտնում է, որ Վրացատունիների երբեմնի մայրաքաղաքը Իշխալ ժամանակաշրջանում այն մարտարևմ էր, որտեղ պայքարող ուժերի կոպի ելքից էր կախված ոչ միայն բուն քաղաքի, այլև մերձակա Արագածոտնի և Արարատյան դաշտի ճակատագիրը (էջ 81)։ Այս դրույթի իրավացիությունը չվիճարկելով հանդերձ, նկատենք, որ Անիի գրավմամբ վրացական պետության առաջին հերթին նպատակ էր հետապնդում ամբողջական բուն Վրաստանի անվտանգությունը։

Մենագրության այս գլուխը շարադրելիս ևս հեղինակը նշանակալից աղբյուրագիտական աշխատանք է կատարել, որը նրան հնարավորություն է տվել մանրադնին հետազոտել Անիի

Համար մղված պալատի առանձին զովագները, պարզել այդ իրադարձությունների մասնակիցների ինքնության և գործունեության հետ կապված բազմաթիվ կնճոտ հարցեր, հասնել այս կամ այն եզրույթյան անհոգեկի թվագրմանը: Այսպես, օրինակ, Հ. Մարգարյանը ճշտել է, որ Անին Շեղադյաններին է վերահանձնվել ոչ թե 1165 թ., ինչպես մինչև այժմ ընդունված էր, այլ՝ 1164 թ., և այն էլ ոչ թե Մամուղի որդի Արսյանին, այլ Եահնես Շեղադյանին: Միանգամայն ընդունելի է նաև հեղինակի այն եզրակացությունը, որ Անին զբաղվելու նպատակով Գևորգի III-ի ձեռնարկած փորձերի (1161, 1174) ձախողման հիմնական պատճառներն էին իրար սելջուկյան ամիրայությունների կատաղի դիմադրությունն ու Գևորգի III-ի տիրապետության վերջին տարիներին Վրաստանում խիստ սրված ներդասակարգային պայքարը (զրսի գրանդումներին էր, մասնավորապես, Անին ի կառավարումն ստացած Իվանե Օրբելու վարքագիծը): Անին այդպես էլ մնաց Շեղադյանների տիրապետության տակ: Մինչև որ 1199 թ. Զաքարյաններն այն ազատագրեցին, դարձնելով Զաքարե ամիրապատյարի տիրույթների կենտրոնը: Այս գիտում հեղինակը հաջողությամբ պարզել է 1161 թ. Գևորգի III-ի զբաղված Անին Շեղադյաններին հետ վերադարձնելու նպատակով շրջափակող ամիրայությունների կազմակերպված միացյալ արշավանքի ղեկավարներից երկուսի անձնավորությունը և համապատասխան սրբազրույթներ է առաջարկել՝ Քարթլիս ցիտվեբայի» քննական բնագրում:

Գրախոսվող աշխատության վերջին գլխում, որը նվիրված է XII դ. 20—70-ական թվականների Վրաստանի ու Հյուսիսային Հայաստանի ներքաղաքական կյանքի ու ներդասակարգային պայքարի վերլուծությանը, ուսումնասիրվել են հետևյալ հարցերը. ներդասակարգային պայքարը XII դ. երկրորդ քառորդում և զահակալության հարցը 1150—1156 թթ., 1176—1177 թթ. ավատատիրական պատամբության նախապատմությունը, նրա սկիզբն ու ընթացքը, պարտության պատճառները, հետևանքներն ու նշանակությունը:

Հեղինակը ճիշտ է, գտնելով, որ Վրաստանի վերամիավորումը տեղի էր ունենում ներդասակարգային բուռն պայքարի պայմաններում, պայքար, որը, ինչպես նկատել է նաև Մ. Լորիթի-ժանիձեն, այս կամ այն կերպ կապված էր ստրատեգիական խիստ կարևոր նշանակություն ունեցող Հյուսիսային, Հայաստանի և նրա կենտրոն (ոռի բերդաքաղաքի (Օրբելի սովորաբար տիրույթներ էր ստանում վրացական պետության ամիրապատյարը), ինչպես նաև Անիի հետ) նրանից բխում է, որ XII դ. Վրաստանում ընթացած ներդասակարգային պայքարը զգալի հասակակարգի նշանաբերություն է ներկայացնում, և դրանով պետք է րացատրել այն հանդամանքը, որ 2. Մարգարյանը նրա լուսաբանմանն է հասկացրել՝ զրախոսվող աշխատության գլխակ մասը:

Գնահատելի աղբյուրագիտական աշխատանքի հենքի վրա հեղինակը տվել է կենտրոնական իշխանության ղեմ XII դ. առաջին կեսին Արտվինյանների հզոր իշխանական տոհմի մղած պայքարի, ինչպես նաև Օրբելիների հետ նրանց հակամարտության պատմությունը և ապա այնպիսի պատմական ասպարեղից Արտվինյանների հեռանալուց հետո նրանց տեղը զբաղված Օրբելիների ու վրաց Բագրատունիների կատաղի բախման մանրակրկիտ քննությանը: Այդ բախման զգալի նկատելի եղավ վրաց ավատատերերի շրջանում «առաջինի» նավակությունների ցուցաբերող Օրբելիների գլխավորած հզոր ապստամբությունը, որը ցնցեց ողջ Վրաստանն ու Հյուսիսային Հայաստանը: Օրբելիների (1176—1177 թթ. ապստամբությունը, — նշում է հեղինակը, — պայմանավորված էր ավատատիրական Վրաստանի նախընթաց պատմական զարգացմամբ, այն թագավորական իշխանության և մեծատոհմիկ ազնվականության միջև հարատև պայքարի արդյունք էր» (էջ 149): Այլ կերպ ասած, այն օրինակի երևույթ էր:

Ապստամբության պատճառների վերլուծությունից հետո Հ. Մարգարյանն անցել է նրա մասնակիցների կազմի, նրանում եղած տարրեր խմբավորումների նպատակների քննությանը: Ապստամբությունը հայ իշխանների մասնակցության հարցը վերլուծելիս հեղինակն իրավացիորեն նկատել է, որ «Հյուսիսային Հայաստանի հայ իշխանները իմանալով Օրբելու անցատողական ձգտումների իրականացումը կարող էին բեկալել իբրև Կյուրիկյանների նախկին թագավորության վերականգնում, որը նրանց համար ևս ցանկալի էր» (էջ 157): Եթե նկատի ունենանք Օրբելիների և Կյուրիկյանների խնամիական կապերը, այն, որ զրա օգտագործմամբ Օրբելիները ցանկանում էին զբաղվել վերջիններիս դերը, ինչպես նաև Սանահնում Իվանե Օրբելու թողած արձանագրությունը, «ես» Օրբելյանն իսկն է սպասալարս... բոտ նախնեաց սովորութեան եկի ուտտ Սանահն... տեսի դիշխատակս նախնեաց մերոց», որը ևս տեղական միջավայրի հետ Օրբելիների սերտ կապերի վկայություն է, ապա այս մտահանգումը միանգամայն տրամաբանական է: Նույնը կարելի է ասել նաև ապստամբության ժամանակ կարևոր դեր խաղացած

Ազարակ և Սախաթի ամրոցների առաջարկված տեղադրության մասին, վերջնական է նաև ապստամբության ժամանակադրության սրբազրույթը՝ 1176—1177 թթ., որը ևս կատարվել է հմտությամբ և ազդեցություն ունեցող տեղագրական պրպտումների արգասիք է։ Կարծում ենք, որ տարիներ շարունակ արծարծվող այս հարցը ստացել է սպառիչ լուծում։

Ապստամբության ընթացքի բացահայտումից հետո Հ. Մարգարյանն անցել է նրա պարտության պատճառների, հետևանքների ու նշանակության վերլուծությանը, Սակայն, անդրադառնալով ապստամբության պարտության պատճառներին, հեղինակն ըստ էության շեշտը դնում է միայն ապստամբների գործած տակտիկական սխալների վրա, մինչդեռ դրանք լուրջ երկրորդական գործոններ էին։ Բանն այն է, որ լինելով խոշոր ավատատերերի հետադիմական ելույթ, ապստամբությունը բխում էր միայն նրանց (հատկապես Օրբելիների) նեղ դասային շահերից և նախանայի պատճառներից չէր վայելում երկրի առևտրափառառուական խափերի՝ (հիշենք թևակները նրանց շահերն արտահայտող Ամիր-Քրդի գործունե աշակերտությունը Գեորգի III-ին), քաղաքների արհեստավորության (որով, մասնավորապես, ապստամբվողական էր թագավորի՝ Տփիսիսում և ոչ թև այլ, ավելի ամուր վայրում ապաստանելը), գյուղացիության և մանր ու միջին աղևակախության (հիշենք թևակները մեծ Սարգիս Ջաքարյանի հեռանալի Օրբելիներից), այսինքն՝ երկրի քնակության գերակշիռ մասի համակրանքն ու աշակերտությունը։ Ավելին, նախատեսվում էր նրա շահերին, ուստի և երկրի բնակչության մեծ մասը հանգստեցնելով ընդհանր Օրբելիների՝ ի պաշտպանություն կենտրոնական իշխանությանը, Հենց դա էր ապստամբության պարտության հիմնական պատճառը, որը պետք է քաջահայտվեր ու շեշտվեր անհրաժեշտ խորությամբ ու հաստատությամբ։

Հեղինակը, անդրադառնալով Օրբելիների ապստամբության հետևանքներին, իրավացիորեն նկատել է, որ «1176—1177 թթ. իրադարձությունները շրջադարձային փոփոխություններ առաջ բերեցին Հյուսիսային Հայաստանի իշխանական տների կազմում» (էջ 206)։ Դա, կարծում ենք, առաջին հերթին հետևանք էր այն հեռամենտ քայլի, որ կատարեց մեծ Սարգիս Ջաքարյանը՝ որդու և եղբորդու հետ ապստամբների շարքերից հեռանալով։ Բանի որ գրքում այս հարցը համապատասխան քննության առարկա չի դարձել, որը խիստ ցանկալի կլիներ, փորձենք գրախոսության սահմաններից ենկելով շարադրել այն դրապատճառները, որոնցից էլնելով մեծ Սարգիս Ջաքարյանը՝ «Օրբելիների եղբայրը և սիրելին» (ինչպես նրան կոչում է վրաց պատմիչը), դիմեց այդ վճռորոշ քայլին, դրանով իսկ ղեկավարելով Ջաքարյանների իշխանապետության ամուր հիմքերը, նրախառաջ Գ. Հովսեփյանը մեծ Սարգիս այս քայլը դիտել է որպես նրա անհրաժեշտ Ամիր-Քրդի ազդեցության հետևանք։ Այդ հանգամանքը չփոխելով հանդերձ, կարծում ենք, որ մեծ Սարգիսն այդ վճռորոշ քայլին դիմելու համար ուներ ավելի հիմնավոր պատճառներ։ Այնհայտ է, որ նա ապստամբությանը հանդիմանում էր իր հաջորդության ղեկավարում Օրբելիներից նոր կալվածքներ ստանալու ավելի քան համեստ միտումով։ Սակայն ղեկավարի զարգացումը հանգեցրեց նրան, որ Օրբելիները փակվեցին լոռն բերդում. հույսները ղեկավարելով խիստ կասկածելի արտաքին օգնության վրա։ Այդ պայմաններում մեծ Սարգիս Ջաքարյանի նման խոշոր ռազմական գործիչը չէր կարող չհասկանալ, որ ապստամբությունը դատապարտված է պարտության, իր համար խիստ անհանկալի բոլոր հետևանքներով հանդերձ։ Մյուս կողմից, վարելով չափազանց նպատակասլաց և խելացի տակտիկա, Գեորգի III-ը, անգամ այս իրադարձությունները կողմնակալությամբ մեկնաբանող Ստեփանոս Օրբելյանի վկայությամբ, ապստամբների շարքերից հեռացողներին տեղափոխելով բերդերը և անշափ պարզեց խախտացուցանել, և զամենայն հայրենիս և փառքամտությամբ Օրբելյանց խոստանալու նույնապես։ Վերադարձալի նախաամբը երբ նկատի ունենանք, որ ասպարեզից Օրբելիների հեռանալու ղեկավարում Ջաքարյանների համար իրականապես հնարավորություններ կստեղծվեին իրենց կյանքիսկանների ժառանգորդները համարող Օրբելիների (ինչպիսիք նախկին Օրբելյաններն ունեին նաև Ջաքարյանները) սեղը գրավելու և նրանց ստակական վասալը մնալու փոխարեն։ Կհասնեն ավելին, ապա պարզ կդառնա, թե ինչու մեծ Սարգիսն ի վերջո անցավ Գեորգի III-ի կողմը։

Գրախոսվող գրքում հեղինակը վիճարկում է Օրբելիների ապստամբության ճշման ժամանակ մեծ դեր խաղացած Ամիր-Քրդի և Արուստանի մինչ այժմ ընդունված նույնացումը, այդպես էլ չպարզելով, թե ով էր վերջինս։ Թեև այս հարցը գրքի խնդիրների շրջանակից դուրս է, ցանկալի կլիներ, որ հեղինակն այս ուղղությամբ պրպտումներ շարունակեր և այդ հարցի մեջ հստակություն մտցներ, ինչպես հաջորդությամբ բազմիցս կատարել է սույն մե-

նագրության մեջ՝ պարզելով իր հետադրուած պատմական իրադարձությունների երեւելի մասնակիցներից շատերի անձնավորությունը:

Ամփոփենք. «Հյուսիսային Հայաստանի և Վրաստանի ժո՛ղարի ուլատժության մի քանի հարցեր» աշխատությամբ Հ. Մարգարյանը զննատելի աշխատութեւն է կատարել հայագիտության և վրացագիտության համար նրկեստեք կարեւորություն ունեցող մի շարք հարցերի ուսումնասիրության շնորհակալ մարզում: Այս աշխատությունը որոշակի նպաստ կարող է բերել նաև 1180—1230.ական թվականների Վրաստանի և Զաքարյանների իշխանապետության պատմության դեռևս մութ մի շարք երևույթներ ու խնդիրներ գիտական խորությամբ հետազոտելու գործում:

ՎԱՀԷՐԱՄ ՄԱՐՏԻՐՈՍՅԱՆ

Պատմական գիտությունների քեկեածու:
ԱՐՏԱՇԵՍ ՇԱՀՆԱԶԱՐՅԱՆ